



UNIVERSITÄTS-
BIBLIOTHEK
PADERBORN

**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

XXXII. De rebus Ecclesiæ non alienandis.

[urn:nbn:de:hbz:466:1-62169](#)

§. 7. Melioramenta à Clerico facta, sunt eius quo-
ad vixerit.

Et Concilium Toleranum: Si quis sane Cleri-
corum, inquit, agella vel vincolas in terra Eccle-
sæ sibi fecisse probabitur, sustentandæ vitæ cau-

sâ, usque ad diem obitus sui possideat: verum post
suum decessum Ecclesiæ restituat, nec testamen-
tario aut successorio iure cuiquam hæredum,
prohæreditate relinquit: nisi forsitan cui Episco-
pus pro servitu ac præstatione Ecclesiæ largiti
voluerit, c. fin. Ext. De pecul. cleric.

DE REBUS ECCLESIAE NON ALIENANDIS.

TITULUS XXXII.

§. 1. Res Ecclesiæ & monasterii alienari non posse; & quid veniat nomine alienationis.

Quiates Ecclesiæ propriæ ipsius Ecclesiæ
sunt, in cuius usum & ministerium sunt
dedicatae, can. Nulli xii. quæst. 2. sup. tit. prox.
§. bona verè: idcirco disertæ à sacris Canonibus
cautum est, ne illæ à Clericis etiam Summis
Pontificibus, vel aliis quibuscumque alienari
possint, rototit. Ext. in 6. & Clem. De rebus Ecclesiæ, non
aliens, can. Non licet, cum can. seq. xii. quæst. 2. Idem
statutum est de rebus monasterii, Clem. 1. hoc sit.
Alienationis autem nomine hic continetur, do-
vario, venditio, permutatio, emphyteusis, infu-
datio, ususfructus, hypotheca, locatio ad lon-
gum tempus, c. Nulli 5. §. alienationis Ext. hoc tit. 4.
can. Non licet & d. Clem. 1. & ex Pauli III. constitu-
tione etiam locatio ultra triennium, in cap. unico in
extravag. comm. de qua vide Covarr. Var. resol. lib. 2.
cap. 16. & 17. Navarr. add. can. Non licet, a & hand
dubie, hæredis in instituto, legatum, fideicomis-
sum, cap. 1. cap. Cium in offici 7. cum i. seqq. Ext. De te-
siam can. Episcopi, can. Manifesta, can. Sim. manifesta
xii. quæst. 1.

§. 2. Alienatio rei Ecclesiastice ipso iure nulla est.

Unde si qua rei Ecclesiastice alienatio fiat, ea
ipso jure non substantia; adeoque per ipsum alie-
nare, vel quemvis alium Clericum infingi &
retractari potest, cap. Si qui presbyterorum 6. ext.
hoc tit. ibi instant Glos. & Panorm. can. Quod quis xxxv
quæst. 6. d. cap. unico in extravag. coniuncta! Non dubi-
um 5. C. De legib. cap. Qua contrà De R. I. in 6. Quod
in præsentia argumento singulare est; cùm regula-
riter nemo factum suum improbat possit, cap. In-
ser dilectos 8. ext. De donat. f. 4. Cod. De revoc. donat. 1.
Factum enique De R. I.

§. 3. Res peritura & supervacua animalia rest-
alienantur.

Quæ certè intelligenda sunt de rebus immo-

biliis & mobilibus, quæ servando (ut loqui-
mur) servari possunt. At in rebus perituriis, quæ
diuturnitatem non patiuntur, ut sunt fructus,
vestes & his similia, d. cap. unico in extravag. com. &
d. Clem. 1. iuncte & constituitur, Insti. De iust. Licet
vestimenta Ecclesiæ veteritate consumpta comburi, & ro-
rum cineres recondi debeant, iuxta can. Attar. 39. de
confer. d. 1. item in supervacuis animalibus alie-
natione minimè interdicta est. Hostiens. in Summa
huius tit. num. 1. addo text. in l. Lex. qua 22. in fine C. De
administr. tutor.

§. 4. Casus à superiori regula excepti.

Neque quod de rebus immobilibus & mobili-
bus diximus, perpetuum est. Nam & certi casus
existunt, quibus ex permissione sacerdotum Cano-
num etiam illæ restæ alienantur, qui reconsentiri à
Glos. in summa vii. quæst. 2. Quorum unus est, si ne-
cessitas Ecclesiæ alienationem suadeat, d. Clem. 1.
hoc tit. cap. 1. Ext. De signorib. pura, si Ecclesia alie-
no ære oppressa sit. Aut. hoc ius porrectum C. De
sacros. Eccles. Alter est, si pauperes alendia aut capti-
vi ab hostibus redimendi sint, can. Sacrorum & can.
seq. cap. Aurum cum seq. 21. quæst. 1. can. fin. xvi. qui.
Aurum enim, senserit Ambrosi est, Ecclesia habet,
non ut servet, sed ut eroget & subveniat in ne-
cessitatibus, in e. d. can. Aurum Tertius est, si Ec-
clesia expedita alienationem fieri, d. Clem. 1. can.
Sine exceptione xii. quæst. 2. cap. 8. §. fin. Ext. hoc est. Nec
enim prohibito alienationis in iæsionem Ecclæ-
sæ retorquenda est, l. Quod favore 6. C. De legib.

§. 5. De solemnitatibus adhibendis in alienatione
iis casibus, quibus permitta est.

Ut tamen his tribus casibus, quibus alienatio
permitta est, Capituli confessus & subscriptio
adhibeantur, ubi scilicet Episcopus alienationem
melit, d. can. Sine exceptione, d. Clem. 1. cap. 1. can.
seqq.

seqq. Ext. De his que sunt à Prelatis. Panorm. in d. cap. 1. Si p. alius Clericus, qui Capitulum non habet, Episcopi assensu accedat, can. Placuit XII. quæst. 1. In alienatione verò rerum monasterii non tantum opus est consensu Capituli, sed & Episcopi; ex decreto Conciliorum Aurelianensis, can. Abbatis, d. qu. 1. & Agathensis. can. In venditionibus XXVII. quæst. 4. adde cap. 1. eod sit. in Clem. & ibid. Panorm.

§. 6. Ius singulare in bonis laicis subjiciendis.

Illud verò singulari jure sancitum est à Gregorio Decimo in generali Concilio Lugdunensi, ut in Ecclesiæ bonis immobilibus sive juribus, laico tamquam superiori vel tamquam patrono sive advoco subjiciendis, præter Capitoli consensus etiam Apostolicæ Sedis licentia specialiter adhibeatur, c. 2. hoc sit in 6.

§. 7. In exiguis & longè distis non requiri solemnitatem

Porrò in terrulis & vineolis exiguis & Ecclesiæ minus utilibus, aut longè distis, remissa est omnis solemnitas; cum per solum Episcopum, si necessitas urgeat, rectè distribuantur, juxta can. Terrulas d. quæst. 2.

§. 8. In feudum & emphyteusin eandem rem rursum concedi posse; & quando.

Idem est in rebus in feudum olim datis, si per mortem ultimi vasalli ad Episcopum redeant. Nam & has potest Episcopus (si viderit expedire) liberè in feudum alteri concedere, cap. 2. Ext. De feudu. cap. 1. §. 1. Episcopum & Abbat. Similiter & res in emphyteusin ab antiquo dari solitas, si evidenter Ecclesiæ utilitas suaserit, d. c. unico in Extra-vag. com.

§. 9. Emphyteusis nova quo casu permissa.

De agris verò in emphyteusis novam concedendis hoc rescriptum extat Alexandri III. ad Episcopum Vigornensem: Illas terras, inquis, quæ de sylvis extirpatæ, sunt arables factæ, eis hæreditatio jure poteris concedere, sub anno censu tenendas, à quibus suo, vel parentum suorum labore constituerit extirpatæ. Nisi forte tunc aliis possint ad majorem Ecclesiæ utilitatem.

tem cum eodem labore & onere conferri, text. est in cap. Adaures 7. Ext. h. tit.

§. 10. Prelatus rem unius Ecclesie cum alia permittare potest utriusque consensu.

Sed & permisum est Episcopo, terram unius Ecclesie cum alia permittare, interveniente utriusque Ecclesiæ consensu, cap. 1. Ext. De rer. permitt. & si unius estimatio alteram excesserit, refusione pecuniae ab altera Ecclesia praestanda, rem ad æ qualitatem redigere, cap. Ad questiones & eod. An autem, qua hoc & i. precedentibus §§ dicuntur, per se posuit Episcopus absque Capitulo suo, dubium est, preter cap. 1. & cap. 4. Ext. De his que sunt à Prelat. Sed in his consuetudini magis standum est, cap. Ea noscitur 6. Ext. De his que sunt à Prelat. Adde que supra tñi. de juris non scripti partibus diximus.

§. 11. Per prescriptionem rem alienari sive auferri legitimè ab Ecclesia.

Postremò sciendum est, per prescriptionem, id est, possessionem continuam XL. annorum cum bona fide, præmium, sive aliud jus cuiuslibet Ecclesiæ vel monasterii (excepta tamen Romana Ecclesiæ), adversus quam solum centenaria prescriptio currat) alienari vel tolli, c. 4. 6. 8. 13. & cap. 14. Ext. De præscript. Sicut infra commodius dicitur, inf. De exceptionib. § tam de præscript.

NOTATIO IN TIT. 32.

a Quod hic dicitur de prohibita locatione ad triennium ex Pauli II constitutione, id accipendum est de rebus Ecclesiæ, que quotannis excoluntur & fructus reddunt: alioqui si ejus sint conditiones, ut singulus triennius semel tantum fructus proferant, poterunt & in novem annos locari. Nec dubium esse debet, ubi eadem constitutio Pauli II. moribus recepta non est, non obligare, can. In istis dist. 4. Qubi receptae sunt, contraria consuetudine eas tolli posse, juxta cap. fin. Ext. De confuet. & qua ibi tradunt DD. de quo Covarr. Var. refol. lib. 2. cap. 16, num. 6. & Navarr. ad can. Non licet XIII. quæ st. 2, num. 21.

b Addunt alii quartum casum, propter rei incommoditatem; ut quia res magis damno quam utilis est, can. Tertullas XI. qu. 2. Verum hic casus sub tertio continetur.

FINIS LIBRI II.

Rete

SUMMA